

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-084-6/24**
Datum: **08.07.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „Željezara Ilijaš” d.d. Ilijaš za izdavanje vodne dozvole za zahvatanje vode iz rijeke Bosne za tehnološke potrebe pogona Željezara Ilijaš, izgrađenog u krugu Željezare u Ilijašu na osnovu člana 109. stav (1) tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

1. Odbija se zahtjev pravnog lica „Željezara Ilijaš” d.d. Ilijaš za izdavanje vodne dozvole za zahvatanje vode iz rijeke Bosne za tehnološke potrebe pogona Željezara Ilijaš, izgrađenog u krugu Željezare u Ilijašu, na parceli označenoj kao k.č. 242 K.O. Ilijaš Grad, općina Ilijaš, zbog privremenog obustavljanja navedene aktivnosti.
2. Ukoliko podnosilac pokrene aktivnost zahvatanje vode iz rijeke Bosne, potrebno je da podnese novi zahtjev za izdavanje Rješenja o vodnoj dozvoli.
3. Investitor je u obavezi da obezbijedi redovno čišćenje i održavanje vodozahvatne građevine, taložnika, obale rijeke Bosne i pristupa vodozahvatu. Talog od čišćenja taložnika ne smije se ni privremeno odlagati na obale i korito rijeke Bosne.

Obrazloženje

Pravno lice „Željezara Ilijaš” d.d. Ilijaš se obratilo zahtjevom broj: 02-069/24 od 14.02.2024. godine za izdavanje vodne dozvole za zahvatanje vode iz rijeke Bosne za tehnološke potrebe pogona Željezara Ilijaš, izgrađenog u krugu Željezare u Ilijašu, na parceli označenoj kao k.č. 242 K.O. Ilijaš Grad, općina Ilijaš.

U postupku dostavljena je i pregledana sljedeća dokumentacija:

A: Opšta dokumentacija

- Rješenje o izmjenama podataka upisa u sudski registar broj: 065-0-Reg-23-002731 od 07.07.2023. godine, izdato od strane Općinskog suda u Sarajevu - kopija,
- Kopija Uvjerenja o upisu u Jedinствен registar obveznika indirektnih poreza, izdato od strane Uprave za indirektno-neizravno oporezivanje Banja Luka, broj: 04/5-1/IV-17-1-5684-3602/05 od 12.11.2005. godine,
- Uplatnica za upravnu taksu u iznosu od 70.00 KM,
- Rješenje o odobrenju za građenje broj: 05/1-23-2654/16 od 17.01.2017 godine izdato od Službe za prostorno uređenje i stambeno-komunalne poslove, Općina Ilijaš,
- Rješenje o urbanističkoj saglasnosti broj: 05/1-23-2048/15 od 27.04.2016 godine izdato od Službe za prostorno uređenje i stambeno-komunalne poslove, Općina Ilijaš,
- Rješenje o vodnoj dozvoli broj: UPI/25-3-40-356-6/22 od 10.10.2022. godine, izdato od strane «Agencije za vodno područje rijeke Save» Sarajevo,
- Rješenje o vodnoj dozvoli broj: UPI/25-3-40-479-5/18 od 05.12.2018. godine, izdato od strane «Agencije za vodno područje rijeke Save» Sarajevo,
- Uvjerenje o izvršenoj evaluaciji broj 10-904-4/23 od 07.12.2023 godine izdato od strane «Agencije za vodno područje rijeke Save» Sarajevo,
- Odluku o zatvaranju proizvodnog pogona PC3 unutar Željezare Ilijaš d.d. Ilijaš donesena od strane direktora društva „Željezara Ilijaš” d.d. Ilijaš od 20.09.2023 godine,
- Kopija katastarskog plana UR Broj 06/2-30-4456/2016-14 od 21.09.2016 godine izdato od strane Službe za imovinsko-pravne poslove, geodetske poslove i katastar, općina Ilijaš,

- Kopija katastarskog plana UR Broj 06/2-26-1844/2023-2 od 09.05.2023 godine izdato od strane Službe za imovinsko-pravne poslove, geodetske poslove i katastar, općina Ilijaš,
- Zahtjev za obnovu okolinske dozvole broj 072/24 od 15.02.2024 godine upućen prema Federalnom ministarstvu okoliša i turizma,
- Odluka o davanju saglasnosti za provođenje postupka dodjele koncesije za korištenje vode iz rijeke Bosne broj: 01/1-02-1516-8/23 od 20.06.2023 godine donesena od strane Općinskog vijeća Ilijaš,
- Akt-dopuna zahtjeva za dodjelu koncesije, broj 071/24 od 14.02.2024 godine upućen prema Ministarstvu privrede Kantona Sarajevo,
- Dopis/dostava izvještaja o količini zahvaćene vode za mjesec novembar 2023 godine broj: 02-073/24 od 14.02.2024 godine upućen od strane investitora „Željezara Ilijaš“ d.d. Ilijaš prema «Agenciji za vodno područje rijeke Save» Sarajevo,
- Ispis naloga računa o uplati naknade za zahvat vode za period 01-06.11.2023 godine,
- Izvještaji o količini zahvaćene vode za mjeseci juni, juli, avgust, septembar i oktobar.
- Izjava o privremenom prekidu zahvatanja vode do daljnjeg iz rijeke Bosne, broj: 211/24 od 03.07.2024 godine data od strane ovlaštenog lica za zastupanje pravnog lica „Željezara Ilijaš“ d.d. Ilijaš,
- Izvještaj o monitoringu kvaliteta i kvantiteta otpadnih voda Željezara Ilijaš d.d. Ilijaš, broj 1522 i 1523, novembar 2023 godine, urađen od strane „Inspekt RGH“ d.o.o. Sarajevo.
- Uvid u projektnu dokumentaciju koja je navedena u prethodnom rješenju o vodnoj dozvoli je izvršen prilikom uviđaja na terenu.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-084-2/24 od 31.05.2024. godine.

Na osnovu dostavljene dokumentacije i izvršenog uviđaja na terenu utvrđeno je slijedeće:

Lokacija predmetnog objekta za zahvatanje vode iz rijeke Bosne za tehnološke potrebe pogona Željezara Ilijaš, nalazi se u krugu Željezare u Ilijašu, na parceli označenoj kao k.č. 242 K.O. Ilijaš Grad, općina Ilijaš.

Pravno lice „Željezara Ilijaš“ d.d. Ilijaš je za aktivnost zahvatanje vode iz rijeke Bosne posjedovalo Rješenje o vodnoj dozvoli broj: UP-I/25-3-40-479-5/18 od 05.12.2018. godine izdato od ove Agencije.

Sistem zahvatanja vode iz rijeke Bosne koristio se za hlađenje peći u pogonu Livnica teških odljevaka (stari pogon) i da je bila u funkciji jedna pumpa kapaciteta 171,5 l/s.

Na dovodnom cjevovodu u pumpnoj stanici ugrađen je elektromagnetni mjerač protoka.

Za novi pogon izgrađen je recirkulacioni sistem hlađenja sa priključkom na gradski vodovod.

Podnosilac zahtjeva je u navedenoj dozvoli imao uslov u tački 2.5. da Ministarstvu kantona Sarajevo podnese zahtjev za dodjelu koncesije za korištenje vode iz rijeke Bosne kao prirodnog resursa i nakon pribavljanja koncesionog ugovora kopiju istog dostavi ovoj Agenciji.

Po izjavi podnosioca zahtjeva i priloženim dokumentima uz zahtjev utvrđeno je da je postupak dodjele koncesije pokrenut i isti je u toku te da će se zbog privremenog prekida zahvatanja vode iz rijeke Bosne postupak dodjele koncesije obustaviti.

Ukoliko podnosilac pokrene aktivnost zahvatanje vode iz rijeke Bosne, potrebno je da prije podnošenja zahtjev za izdavanje Rješenja o vodnoj dozvoli pribavi koncesioni ugovor o korištenju vode od nadležnog organa.

U aktu upućenom od strane „Željezara Ilijaš“ d.d. Ilijaš ovoj Agenciji se navodi da se zahvatanje vode iz rijeke Bosne se ne vrši od 6.11.2023 godine iz razloga kvara na pumpnom postrojenju i da je zahvatanje obustavljeno do daljnjeg.

Prilikom uviđaja podnosilac zahtjeva je izjavio da se zahvatanje i dalje ne vrši a razlog je da pogon Livnica teških odljevaka (stari pogon) nije u funkciji.

Podnosilac zahtjeva je pokrenuo postupak pribavljanja okolinske dozvole.

Za ispuštanje tehnoloških otpadnih voda sa lokaliteta predmetnog kompleksa u površinske vode, od strane ove Agencije izdato je Rješenje o vodnoj dozvoli broj: UP-1/21-3-40-356-6/22 od 10.10.2022. godine.

Uvidom u dostavljenu dokumentaciju, izvršenim uviđajem na terenu te vezano za akt – Odluka o zatvaranju proizvodnog pogona PC3 unutar Željezare „Ilijaš“ d.d. Ilijaš donesenu od strane direktora Društva Željezara „Ilijaš“ dana 20.09.2023 godine došlo se do saznanja da podnosilac zahtjeva trenutno ne vrši zahvat vode iz rijeke Bosne.

U Odluci je navedeno da je investitor zatvorio proizvodni pogon PC3 u sklopu kojeg je Društvo obavljalo djelatnost – ručnog kalupovanja srednjih i teških odlivaka a za koji se koristila voda zahvaćena iz rijeke Bosne, prema informacijama u toku postupka.

Iz svega navedenog nije se moglo sa sigurnošću tvrditi da li će se vršiti zahvatanje vode iz rijeke Bosne te da li investitor privremeno ili trajno odustaje od navedene aktivnosti.

Imajući u vidu navedeno našim aktom broj: UP-1/21-3-40-084-2/24 od 31.05.2024. godine je za potrebe vođenja upravnog postupka od podnosioca zahtjeva traženo da dostavi ovjerenu izjavu u kojoj će investitor izjasniti vezano za predmetnu aktivnost.

Podnosilac zahtjeva je dostavio Izjavu broj: 212/24 od 03.07.2024 godine, zaprimljenu u ovoj Agenciji dana 05.07.2024 godine u kojoj navodi da se do daljnjeg neće provoditi aktivnost zahvatanja vode iz rijeke Bosne. Takođe je navedeno da se privremeno odustaje od zahvatanja vode iz rijeke Bosne obzirom da je zatvoren proizvodni pogon PC3 a u sklopu kojeg je Društvo obavljalo djelatnost kalupovanja srednjih i teških odlivaka a za koje se koristila voda iz rijeke Bosne.

Imajući u vidu navedeno i na osnovu utvrđenog činjeničnog stanja, a u skladu sa članom 200. stav (1) Zakona o upravnom postupku, članom 109. stav (1) tačka 1. Zakona o vodama, riješeno je kao u dispozitivu ovoga Rješenja.


Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju
Rukovodilac Sektora za izdavanje
vodnih akata



Nihad Pezo/ dipl.inž.grad.

Dostaviti:

- „Željezara Ilijaš“ d.d. Ilijaš, Bosanski put 215, Ilijaš
- Federalni vodni inspektorat, Fehima ef. Čurčića 6, 71000 Sarajevo,
- Sektor 50
- ⊙ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava